

JAMHUURIYADDA
SOMALILAND



REPUBLIC OF
SOMALILAND

XAFIISKA GARYAQAANKA GUUD EE QARANKA
SOLICITOR GENERAL OFFICE

FAAFINTA RASMIGA AH OFFICIAL GAZETTE

أَنْشُرَةُ الرَّسْمِيَّةِ لْجُمْهُورِيَّةِ صُومَالِيْلَانْد

Sannadka 5aad

Cadad Gaar ah

1/9/2016

**Wax Ka Beddelka iyo Kaabista Xeerka Nidaamka Ururada
iyo Axaabta Siyaasadda
Xeer Lr. 14/2011**

**Email: garyaqaankaguud@gmail.com
Web: www.garyaqaankaguud.com**

REPUBLIC OF



SOMALILAND

THE PRESIDENT



JSL/M/XERM/249-804/122011

DATE... 13/12/11

DECREETO MADAXWEYNE NO: 0179/122011

**Dhaqan-galka Wax Ka Bedelka iyo Kaabista Xeerka
Nidaamka Ururada iyo Axsaabta Siyaasadda Xeer
Lr. 14/2011**

Madaxweynaha Jamhuuriyadda Somaliland

Markuu Arkay:

Qodobka 90aad ee Dastuurka
Jamhuuriyadda Somaliland

Markuu helay:

Go'aanka Golaha Wakiilada JSL
ee Go'aan Lr. GW/KF-
16/549/2011, ee ansixinta wax
ka bedelka iyo kaabista Xeerka
Nidaamka Ururada iyo Axsaabta
Siyaasadda,

Markuu Arkay:

Qodobka 75aad ee Dastuurka
Jamhuuriyadda Somaliland.

Wuxuu soo Saaray

Dhaqan-galka Wax Ka Bedelka iyo Kaabista Xeerka Nidaamka
Ururada iyo Axsaabta Siyaasadda ee Jamhuuriyadda
Somaliland ee Xeer Lr. 14/2011 ee Qodobadan hoos ku xusan:

Qodobka 3aad, Faqradiisa 6aad, Xarfaha B, T, J, X

Qodobka 4aad, Faqradiisa 1aad

Qodobka 4aad, Faqradiisa 3aad

Qodobka 5aad, Faqradiisa 2aad

Qodobka 5aad, Faqradiisa 3aad, Xarafka J
Qodobka 11aad, Faqradiisa 4aad
Qodobka 23aad, Faqradiisa 2aad
Iyo Qodob Cusub oo ah Qodobka 29aad



Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland



Ref: GW/G/KF-16/549/2011

Date: 07/12/2011

**Ujeeddo: Go'aanka Ansixinta Wax-ka bedelka iyo kaabista
Xeerka Nidaamka Ururada Iyo Axaabta Siyaasadda**

Xeer (No: 14/2011)


GOLAHA WAKIILADA JSL


- MARKUU ARKAY: Mashruuc Xeer Lr: 14/2011 Xeerka Nidaamka Ururada iyo Axaabta Siyaasadda Somaliland
- MARKUU ARKAY: Qodobka 9^{aad} iyo Qodobka 23^{aad} ee Dastuurka JSL.
- MARKUU ARKAY: Qodobka 77^{aad} iyo Qodobka 78^{aad} ee Dastuurka JSL oo tilmaamaya Habka loo raaco Xeer Dejinta.
- MARKUU ARKAY: Go'aanka ansixinta Xeer LR: 14/2011 ee Golaha Guurtida JSL kuna taariikhaysnaa 27/11/2011 (Eg Lifaafa).
- MARKUU ARKAY: In Golaha Guurtida wax ka badal iyo kaabis ku samaynin Xeerka Nidaamka Ururada iyo Axaabta Siyaasadda ee Somaliland Xeer Lr: 14/2011 kuna ansixiyeen sidii Golaha Wakiiladu ugu Gudbiyeen.

WUXUU

Golaha Wakiilada JSL halkan ugu soo Gudbinayaa Madaxwaynaha JSL Xeer Lr: 14/2011 Xeerka Nidaamka Ururada iyo Axaabta Siyaasadda si uu uga guto waajibaadkiisa dastuuriga ah.

ALLAA MAHAD LEH


Md. C/risaaq Siciid Ayaanle
Xoghavaha Guud ee Golaha Wakiilada


Md. C/raxmaan Maxamed C/laahi (Cirro)
Gudoomiyaha Golaha Wakiilada JSL

GOLAHA WAKIILADU:

Markuu arkay:

Qodobada 9aad, 22aad, iyo 23aad ee Dastuurka Jamhuuriyada Somaliland.



Markuu arkay:

Soo jeedinta Madaxweynaha ee **REF: JSL/M/GW/081-717/092011** ee tixraaca **18/09/11**, ee Furashada Ururada Siyaasadda iyo Geedi socodka Doorashooyinka iyo Kaabista iyo wax ka beddelka **Xeer Lr.14/2011**.

Markuu Xaqiijiyay:


In ay lagama maarmaan tahay in la abuurro Xeerar iyo shuruuc kala hagta sida ay muwadiniintu u gudan karaan xuquuqdooda siyaasadeed si waafaqsan Datuurka iyagoo uga qayb-qaadanaaya hawlaha siyaasadeed si nabadgelyo ah si ay awoodda dalka u hantaan.

Markuu Tixgaliyay:

Mooshinka ku saabsan Kaabista iyo Wax-Ka-bedelka 2^{aad}, ee Xeer Lr. 14/2011.

Markuu Ku Qancay:

Baahida loo qabo in kabis iyo wax-ka-beddel lagu sameeyo xeerka Nidaamka Ururada iyo axsaabta siyaasadda, xeer Lr. 14/2000.



Wuxuu

KAABIS IYO WAX-KA BEDDEL KU SAMEEYAY:

Xeerka Nidaamka Ururada iyo Axsaabta Siyaasadda Xeer Lr. 14/2000,

Qodobka 3aad farqadiisa 6aad

Gudidu waxay xilka haynayaan mudo laba (2) sano ah oo ka bilaabanta maalinta ay maxkamada sare xilka u dhaariso, madaxwaynuhuna waa u cusboonaysiin karaa haddii loo baahdo, iyada oo muddo kordhintaasi cusub laga ansaxin doono Golaha Wakiilada


- B. Xubnaha Gudidda waxaa xilka lagaga qaadi karaa habka loo maro xilka qaadista komishinka Doorashooyinka Qaranka.
- T. Haddii ay dhacdo mudadii xilka Gudida oo aan dhammaan ay isku mar xubnaha baneeyaan jagooyinkoodii, Guddida Cusub ee la magcaabaa waxay dhammaystirayaan mudadii xilka ka hadhsanayd.
- J. Haddii xubin ka mid ah Guddidda ay banayso xubinimada Gudidda, Madaxwaynaha ayaa bedelkeeda soo buuxin doona, Xubinta cusub waxa ay dhammaysan doontaa muddo xileedka u hadhsan Gudidda.
- X. Xubinta/naha cusubwaxa ansaxinaya Golaha Wakiilada inta aan xilka loo dhaarin.

Qodobka 4aad

Codsashada Diiwaan gelinta iyo Qabashada Araajida.

1. Muddada Qabashada codsiyada diwaangelintu waa shan iyo afartan maalmoodgudahood (45) oo ka bilaabmaysa maalinta la daabaco ama la sii daayo baahinta qabashada codsiyada.

3) _ waxaa waajib ah in lacagta cashuurtu cadahay in la wadaagay oo aysan ka bixin Gacan qudha, waxaana dabagal ku samaynaya Gudidda Diwaangelinta.



Qodobka 5^{aad}

Xisbiyada Qaran iyo Ururada ku meel Gaadhka ah

2. Mudada hawlgalada ururada Siyaasadeed waa lix (6) bilood gudahooda waqtigana waxaa cayimaya Gudidda Diwaangelinta Ururada Siyaasadeed iyo ansaxinta Axsaabta Qaranka iyaga oo la tashanaya Gudidda Doorashooyinka Qaranka.
- 3.(j) Mudada Liisanku ee Xisbi Qaran Waa toban (10) taariikhda Liisanka la siiyey.

Qodobka 11^{aad} faqradiisa 4^{aad}

4. Mar kasta oo la furayo tartanka ururada siyaasadda ee G/Deegaanka Lix bilood ka hor, mudanaha ka tirsan Golaha Wakiilada ama Golayaasha Deegaanka waxaa u bannaan inuu furan karo Urur siyaasadeed oo cusub ama uu ku biiri karo Urur/Xisbi siyaasadeed ee uu doono.

Qodobka 23^{aad} farqada 2^{aad}

Xisaab Xidhka

2. Hanti dawraha madaxa banaan waxaa codsanaya hawlgalkiisa komishinka Doorashooyinka Qaranka ama Gudidda Diwaangelinta Ururada.

Qodobka 29aad

Khilaafaadka ka Dhasha Xisbi/Urur Dhexdii ama Laba Urur /Xisbi



1. Haddii xubnaha xisbi ama Urur isku khilaafaan hogaanka ama u kala jabaan laba meelood iyo wax ka badan, hay'adaha xisbigu/ururkuna xalin kari waayaan khilaafka, waxa dhinicii danaynayaa dacwad u gudbiyaan Gudida Diwaangelinta Ururada iyo Axsaabta Qaranka.
2. Gudiga Diwaangelintu markuu helo dacwadda ku xusan farqadda laad ee Qodobkan .wuxuu ka soo saarayaa Go'aan ku salaysan Xeerka Nidaamka ururada iyo Axsaabta Siyaasadeed ee Xeer 14/2011. Iyo dastuurka Xisbiga/Ururka hogaankiisa laysku haysto ee laga diwaan geliyey Gudidda –Diiwaangelinta.
3. Dhinicii ku qanci waaya go'aanka gudidda diiwaangelinta waxaa u banaan in uu racfaan u qaato Maxkamadda Sare, xukunkeeduna wuxuu noqonayaa Kama dambays.
4. Haddii dhinacyada is hayaan la yimaadaan laba dastuur oo iskhilaafsan oo loo sameeyey Ururka /xisbiga hogaankiisa laysku haysto, waxaa la tixgelinayaa dastuurka laga diwaan geliyey Gududda diiwaan gelinta ee lagu aqoonsaday urur/xisbiga.
5. Haddii khilaafka faqrada hore ku qorani yimaado inta aan Ururka la diiwaangelin ee aan aqoonsiga la siin gudida diiwaan-gelintu ma

diwaangelinayso magaca ururka hogaankiisa
laysku khilaafay.

6. Dhinacyadana waxaa u banaan in mid waliba
gaarkiisa u samaysto urur kale oo aan la
haynmagacii laysku qabsaday.



5. Haddii khilaafka faqrada hore ku qorani
yimaado inta aan Ururka la diwaangelin ee aan
aqoonsiga la siin gudida diwaan-gelintu ma
diwaangelinayso magaca ururka hogaankiisa
laysku khilaafay.

6. Dhinacyadana waxaa u banaan in mid waliba
gaarkiisa u samaysto urur kale oo aan la
haynmagacii laysku qabsaday.

7. Haddii laba ururama urur iyo xisbi isku
qabsadaan magaca ama astaanta diwaangelinta
ka dib, waxaa loo aqoonsanayaa in uu leeyahay
magacaas ama astaantaas kan Gudiddu u
diwaangelisay ama loo hor diwangeliyey.

C/raxmaan Maxamed C/laahi (ciro)

C/risaq Siciid Ayanle

Gudoomiyaha Golaha Wakiilada JSL

Xoghayaha Guud ee Golaha Wakiilada JSL

REPUBLIC OF



SOMALILAND

THE PRESIDENT



JSL/M/XERM/249-683/082011

DATE...20/08/11

DECREETO MADAXWEYNE NO: 0168/082011

**Dhaqan-galka Xeer Lr. 14/2011
Xeer Nidaamka Ururada iyo Axsaabta Siyaasadda**

Madaxweynaha Jamhuuriyadda Somaliland

Markuu Arkay: Qodobka 90aad ee Dastuurka
Jamhuuriyadda Somaliland

Markuu helay: Go'aanka Golaha Wakiilada
JSL ee Go'aan Lr. GW/KF-
15/534/2011, ee ansixinta
Xeerka Nidaamka Ururada iyo
Axsaabta Siyaasadda,

Markuu Arkay: Qodobka 75aad ee Dastuurka
Jamhuuriyadda Somaliland.

Wuxuu soo Saaray

Dhaqan-galka Xeerka Nidaamka Ururada iyo Axsaabta
Siyaasadda ee Jamhuuriyadda Somaliland ee Xeer Lr.
14/2011.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland



Ref: Geo/G/KF-15/534/2011

Date: 20/08/2011

Ujeedo: Go'aanka Ansixinta Xeerka Nidaamka Ururada Iyo
Axaabta Siyaasadda

Xeer (No: 14/2011)

GOLAHA WAKIILADA JSL

MARKUU ARKAY:

Mashruuc Xeer Lr: 14/2011 Xeerka Nidaamka Ururada iyo
Axaabta Siyaasadda Somaliland

MARKUU ARKAY:

Qodobka 9^{aad} iyo Qodobka 23^{aad} ee Dastuurka JSL.

MARKUU ARKAY:

Qodobka 77^{aad} iyo Qodobka 78^{aad} ee Dastuurka JSL oo
tilmaamaya Habka loo raaco Xeer Dejinta.

MARKUU ARKAY:

Go'aanka ansixinta Xeer LR: 14/2011 ee Golaha Guurtida
JSL kuna taariikhaysnaa 13/08/2011 (Eeg Lifaaqo).


MARKUU ARKAY:

In Golaha Guurtida wax ka badal iyo kaabis ku samaynin
Xeerka Nidaamka Ururada iyo Axaabta Siyaasadda ee
Somaliland Xeer Lr: 14/2011 kuna ansixiyeen sidii
Golaha Wakiilada ugu Gudbiyeen.


WUXUU

Golaha Wakiilada JSL halkan ugu soo Gudbinayna Madaxwaynaha JSL Xeer Lr: 14/2011
Xeerka Nidaamka Ururada iyo Axaabta Siyaasadda si uu ugu guuto waajibaadkiisa
dastuuriga ah.

ALLAA MAHAD LEH


Md. Crisaaq Siid Axmed
Xoghavaha Guud ee Golaha Wakiilada




Md. Cirraamaan Maxamed C/laahi (Cirro)
Gadoomiyaha Golaha Wakiilada JSL

GOLAHA WAKIILADU:

Markuu arkay:

Qodobada 9aad, 22aad, iyo 23aad ee Dastuurka Jamhuuriyada Somaliland.



Markuu arkay:

Xeer Madaxweyne ee Lr. 0165/07/2011 ee tixraaca RSL/M/ERM/249-635/07211 ee Furashada Ururada Siyaasadda iyo Geedi Socodka Doorashooyinka iyo Kaabista iyo wax ka beddelka Xeer Lr.14/2000.


Markuu Xaqiijiyay:

In ay lagama maarmaan tahay in la abuurro Xeerar iyo shuruuc kala hagma sida ay muwadiniintu u gudan karaan xuquuqdooda siyaasadeed si waafaqsan Dastuurka iyagoo uga qayb-qaadanaaya hawlaha siyaasadeed si nabadgelyo ah si ay awoodda dalka u hantaan.

Markuu Tixgaliyay:

In muwadiniintu ay xaq u leeyihiin in ay helaan xuquuqdooda siyaasadeed iyo gudashada waajibaadka saran marka ay abuurayaan Ururo siyaasadeed iyo in la

habeeyo mabaadii'da iyo shuruucda kala hagaysa Xisbiyada qaranka ee shakhsiyadda qaanuuniga ah



Markuu Ku Qancay:

Baahida loo qabo in kabis iyo wax-ka-beddel lagu sameeyo xeerka Nidaamka Ururada iyo axsaabta siyaasadda xeer Lr. 14/2000.

Wuxuu

KAABIS IYO WAX-KA BEDDEL KU SAMEEYAY:

Xeerka Nidaamka Ururada iyo Axsabta Siyaasadda Xeer Lr. 14/2000, wuxuuna soo-saaray Xeer Lr. 14/2011

QAYBTA 1AAD

Qodobo Guud



Qodobka laad: Eray bixin

1. **“Guddi”**: waxaa loola jeedaa Gudidda Diiwaangelinta Ururada Siyaasadda Iyo ansixinta xisbiyada Qaranka.
2. **“komishan”**: waxaa loola jeedaa komishanka Doorashooyinka Qaranka(KDQ)
3. **“Gobol/Degmo”**:waxaa loola jeedaa Gobollada iyo degmooyinka ku xusan Xeer lr 23/2002.
4. **“Urur Siyaasadeed”**: waxaa loola jeedaakoox muwaadinin aho wadaaga fikir siyaasadeedOo isu diwaangeliya Urur ahaan si ay uga qayb qaataan doorashooyinkaGolayaasha Deegaankaka hor inta aan loo aqoonsan Xisbiyo Qaran
5. **“Xisbi/xisbiyo”**: waxaa loola jeedaa xisbi/Xisbiyada Qarane la ansixiyey si ay uga qayb qaataan doorashooyinka Guud ee Golaha wakiilada iyo kuwa M/waynaha iyo kuxigeenkiis
6. **“Ajanebi”**:waxaa loola jeedaa shakhsi kasta oo aan u dhalan JamhuuriyaddaSomaliland
7. **“Warbaahinta Dawladda”** :waxaa loola jeedaalDaacadaha, Wargaysyada, shineemooyinka,Telefishinka Qaranka iyo Nooc kasta oo warbaahineed oo Dawladu Maamusho
8. **“Hantida Dawladda”**: waxaa loola jeedaa hantida Guurtada ah iyo ta Ma-guurtada ah ee ayDawladdu leedahay nooc kasta ha ahaatee.

9. **“Arjiga Codsiga”**:waxaa loola jeedaa foom gaar ah oo uu diyaariyey Gudidda Diwaangelinta Ururada Iyo Ansaxinta xisbiyada Qaranka oo faafaahinaya shuruudaha laga rabo in uu buuxiyo Urur Siyaasadeed kasta oo is Diiwaangelineya.
10. **“Doorashhoyinka Qaranka”** :waxaa loola jeedaa doorashooyinka Guud ee ay ku tartamayaan Saddexda Xisbi Qaran.
11. **“Hogaamiyeyaasha Urur/Xisbi Qaran”**:waxaaloola jeedaa Hogaanka sare ee xisbi /Ururoo uu ka mid yahay Gudoomiye, Gudoomiye-ku xigenada.Xoghayaha Guud iyo ku-xigeenkiisa.
12. **“Golayaasha Sharciga ah”**:waxaa loola jeedaa Dastuuriga ah ee JSLo kala ah

B. Golaha Guurtida

T. Golaha Wakiilada

J. Golaha Deegaanka

QAYBTA 2AAD

Qodobka 2aad

Maabaadii'da Guud Iyo U Hogaansanaanta Sharciga

1. Xisbiyada/Ururadu waa in ay u hoggaansanaadaan Dastuurka, Xeerarka dalka iyo hanaanka Dimoqraadiyadda, waana in aanu

wax u dhimaynin midnimada dalka dhammaanshaha dhul ahaaneed ee Jamhuuriyadda Somaliland iyo nabadgelyada guud.

2. Xisbiyada /Ururadu waa in ay ka qayb-qaataan in ay taageerayaashooda baraan tartanka doorashooyinka iyo dimuuqraadiyada waana in ay tix-gelin dheeraad ah siiyaan Haweenka iyo dhalinyarada.
3. Xisbiyada/Ururadu waa in aanay ku salaysnayn Qabiil, lab ama dheddig keliya, ama nooc kale oo kasta oo Bulshada kala faquuqaaya
4. Xisbiyada Qaranka iyo Ururada waxaa lagu maamulayaa si waafaqsan xeerkan isla markaana aan ka soo hor jeedsan shareecada islaamka, Dastuurka Qaranka, xeerarka dalka, iyo xeeraraka Xisbiyada ama Ururda:
5. Cid kasta oo reer Somaliland ah buuxisana shuruudaha xeerkan wuxuu xaq u yeelanayaa in uu samaysto Urur siyaasadeed si waafaqsan Xeerkan;
6. Marka ay dhacdo in laba urur iyo in ka badini isu tagaan si ay u samaystaan is-bahaysi ama Urur/xisbi ku biiro inta ka horaysa doorashada Goleyaasha Degaanada, waxa loo soo gudbinayaa Gudidda Diiwaan-gelinta Ururada siyaasadda iyo ansixinta Axsaabta Qaran ka nuqul asal ah (original) oo ah heshiiska isbahaysiga ah.

QAYBTA 3AAD

QAABDHISMEEDKA IYO XILKA GUDIDDA DIWAANGELINTA



Qodobka 3aad

Gudidda Diwaangelinta Ururada Siyaasadda iyo Ansixinta Axxaabta Qaranka.

1. Dalka JSL wuxuu yeelanayaa Guddi guud oo madax-banaan, una xilsaaran diiwaangelinta Ururrada Siyaasada iyo Ansixinta Axxaabta Qaranka.
2. Tirada Gudiddu waa 7 (todoba) xubnood oo ugu yaraan mid ka mid ahi sharci-yaqaan yahay.
3. Gudiddu waxay iska dhexdooranaysaa Gudoomiye, Gudoomiye xigeen iyo Xoghaye.
4. Guddida waxa lagu soo xulanayaa shuruudaha hoos ku qoran:-
 - b. Inuu Muslim yahay/tahay kuna dhaqmo diinta Islaamka.
 - t. Inuu Muwaadin yahay/tahay da'diisuna ka yaraan 30 sanno.
 - j. Inuu/inay jidh ahaan iyo caqli ahaanba u gudan karo xilkiisa.
 - x. Inuu/inay leeyahay aqoon wax barasho oo gaadhsiisan shahaadada koowaad ee jaamacadda (Firts Degree)
 - kh. In aanu/inaanay hore ugu dhicin xukun ciqaabeed oo Kama dambays ah oo Maxkamada horteed kaga cadaaday shantii sanno ee u dambayasay
 - d. inuu /inay yahay xikaas, dhaqankiisa iyo akhlaaqdiisuna toosan yihiin yahayna shakhsi ku sifooba dhexdhexaadnimo.

r. inuu/inay leeyahay waayo- aragnimo shaqo iyo maamul oo dhan shan sanno ugu yaraan.

s. inuu /inay ku sugnaan/sugnayd dalka JSL labadii sanno ee ugu dambeeyahay si xidhiidh ah.

sh. Halka sharci yaqaan waxa u dheer shuruudahaasi inay leeyahay/leedahay shuruudaha lagu soo doorto garsoorayaasha Maxkamada Sare.

5. Xarunta dhexe ee guddidu waxay ahaanaysaa Hargeysa waxayna ku yeelanayaan wakiilo gobolada iyo degmooyinka dalka.

6. Guddidu waxay xilka haynayaan muddo (2) labo sano ah oo ka bilaabanta maalinta ay Maxkamada sare xilka u dhaariso. Madaxweynuhuna waa u cusboonaysiin karaa hadii loo baahdo, iyada oo muddo kordhintaasi cusub laga ansixin doono Gollaha Wakiilada.

B. Xubnaha Guddida waxaa xilka lagaga qaadi karaa habka loo maro xilka qaadista Komishanka Doorashooyinka Qaranka.

T. Hadii ay dhacdo mudadii xilka Gudida oo aan dhamaan ay isku mar xubnaha Guddidu baneeyaan jagooyinkoodii, Guddida cusub ee la magaacaabaa waxay dhamaystirayaan mudadii xilka ka hadhsanayd.

J. Hadii Xubin ka mid ah Guddidu ay banayso xubinimada Guddida, Madaxwaynaha ayaa badalkeeda soo buuxin doona. Xubinta cusub waxa ay dhamaysan doontaa muddo xileedka u hadhsan Guddida.

X. Xubinta/naha cusub waxa ansixinayaa Golaha Wakiilada inta aan xilka loo dhaarin.

7. Madaxweynaha JSL ayaa magacaabaya Gudidda diiwaangalinta ururada siyaasada iyo Axsaabta Qaranka .

8. Golaha wakiilada ayaa kalabadh iyo hal (41+1) tirada guud ku ogolaanaya gudidda diwaan galinta ururada siyaasada iyo axsaabta qaranka.

9. Guddidu waxay yeelanayaan gunno la mid ah Gunada Komishanka Qaranka la siiyo.
10. Gudoomiyaha Maxkamadda Sare ayaa ku dhaarinaya Guddida dhaartan todobaad ka dib maalinta Golaha Wakiiladu ansixiyo **(WAXA IGU WALAAHIYA, BILAAHIYA, INAANAN KA MID AHAYN KUNA JIRIN UNUG, URUR IYO XISBIYO QARAN TOONA, KANA MID NOQONEYN URUR IYO XISBI KALE INTAAN XILKA HAYO. UGUNA ADEEGAYO BULSHADA SOMALILAND CADAALAD, SINAAN IYO DAACADNIMO).**

QAYBTA 4AAD
HABRAACA DIWAANGELINTA
Qodobka 4aad
Codsashada Diiwaangelinta iyo Qabashada
Araajida

1. Guddidu waxay ku baahinaysaa warbaahinta dalka mudada qabashada codsiyada diiwaangelinta Ururada siyaasadeed, iyo mudada dhamaadka qabashada codsiyada diiwaangelinta. Mudada qabashada codsiyada diiwaangelintu waa laba bilood gudahood (lixdan maalmood) oo ka bilaabmaysa maalinta la bilaabo baahinta qabashada codsiyada
2. Urudada siyaasiga ah ee cusub waxay is ka diwaan galinayaan xarunta guud ee Gudida diwaan galinta ururada siyaasada iyo ansixinta asxsaabta qaranka ee Hargaysa.
3. Urur kasta oo doonaya in loo diiwaangeliyo Urur siyaasadeed waa inuu ku soo qortaa arji foomka loogu talagalay, kuna soo hagaajiyaa Guddida, kuna lifaaqnaadaan caddaymaha iyo qoraalada soo socda:-

- b) Goortii iyo goobtii ururku ku qabtey shirkii aasaaska ee ugu horeeyay.
- t) Liiska magacyada aasaasayaasha ururka iyo habkii loo doortey.
- j) Liiska magacyada hogaanka, gudidda fulinta iyo golaha dhexe oo gudoomiyaha ama ku-xigeenku soo sexeexay.
- x) Qaab-dhismeedka ururka oo ay ku caddahay magaca ururka oo dhan iyo habka uuu qormayo marka la soo gaabiyo iyo astaanta ururka.
- kh) Caddeyn bixin cashuurta diwaan galkinta oo dhan **150, 000,000** (Boqol iyo konton milyan) shilin Somaliland.
- d) Xisbiyada qaran ee haysata shahaadada xisbinimo laga ma qaadayo cashuurta diwaan galinta.
- r) Mudada liisanka ee xisbi qaran waa toban (10) sano oo ka bilaabma taariikhda liisanka la siiyay.

Qodobka 5aad:

Xisbiyadda Qaran iyo Ururada ku meel-gaadh ka ah

1. Markay dhamaato mudada qabashada araajida diiwaangelinta Ururada, Gudiddu diwaangelinta ururada siyaasida ah iyo ansixinta axsaabta Qaranka waxay hubinaysaa ururada buuxiyey shuruudihii looga baahnaa, waxayna siinayaan ogolaansho ku meelgaadh ah oo uu ururkaasi ku hawlgalo.
2. Mudada hawl-galada ururada siyaasadeed waa 6 bilood oo ka bilaabanta taariikhda ogolaanshaha ku meel gaadhka ah la siiyey.
3. Xisbi/Urur kasta waa inuu ku keenaa mudada ku xusan Faqrada 2aad ee Qodobkan qoraalada iyo caddeymaha soo socda:-

b. Qabashadii shirweynaha ee Ururka ama xisbiga, meeshii uu ku qabtey, taariikhduu qabsoomay iyo wixii ugu weynaa ee ay qabteen, Sida liiska magacyada xubnaha golaha dhexe, Guddida Fulinta iyo magacyada hogaanka xisbiga.

t. Caddeyn in Ururkaasi ku leeyahay laamo hawlgal ah, ugana diiwaan-gashan yihiin ugu yaraan 1000 (Kun qof) xubnood gobol kasta, kuwaas oo haysta warqda aqoonsiga muwaadinimo oo sharci ah.

4. Ururka la siiyo ogolaansho ku meel gaadh ah oo uu ku hawl-galo, waa in Guddidu siisaa afar (4) nuqul oo xeerkan ah

5. Xisbi/urur kasta oo siyaasadeed waa in xeerkiisa ku caddahay ku dhaqanka dimoqraadiyadda, tallo-wadaaga iyo maamul wanaag.

6. Urur kasta waa inuu guddida u keeno 3 nuqul oo daabacan oo ah xeerkiisa iyo cinwaanadiisa gobolada iyo degmooyinka dalka.

7. Xisbi/urur kasta waa in xeerarkiisu waafaqsan yahay Dastuurka iyo Xeerarka dalka JSL.

8. Xisbi/urur kasta waa inuu xubin ka noqon karo qof kasta oo Somalilander ahi.

9. Ururka Siyaasadeed ee loo ansixiyo xisbi, kuma biiri karo xisbi kale doorashooyinka ka hor iyo ka dib, sidoo kale waa inay xeerkiisa ku cadaataa inaan laga saari Karin/eryi Karin xisbiga xubin ama xubno loo doortay Golayaasha Sharciga ah hadii aanay ka hor imanayn Xeerar ka dalka iyo xeerka xisbiga.

10. Xisbi kasta oo qaran waa inay barnaamijkiisa ku cadaato qorshayaashan.


b. Sugidda nabadgelyada, deganaanshaha iyo xasiloonnidda dalka.

t. Horumarinta waxbarashada iyo Diinta

j. Horumarinta caafimaadka iyo fayodhawrka.

x. Daryeelka iyo ilaalinta degaanka.

- kh. Dhaqaaleynta iyo soo saaridda kheyraadka dabiiciga ah ee dalka
- d. Horumarinta cilmiga iyo teknoolajiyada.
- r. Dhiiri gelinta dhalinyarada iyo haweenka ee ka qayb qaadashada siyaasada dalka.
- s. Ilaalinta Dastuurka iyo xeerarka dalka.



Qodobka 6^{aad}

Kala reebida Xisbiyada/Ururada ku tartama doorashada Deegaanka

1. Saddexda xisbi/Urur ee doorashada Dawladaha Hoose ka hela 20% codadka gobol kasta ayaa loo aqoonsanayaa Xisbi qaran, lana siinayaa shahaadada aqoonsiga xisbi.
2. Haddii hal xisbi oo keliya ku guulaysto doorashada oo uu ka helo 20% codadka gobol kasta, Guddidu waxay u aqoonsanaysaa xisbiyo Qaran isaga iyo labada Xisbi ee ku xiga isu gaynta codadka boqolayda gobol kasta.
3. Haddii ay is leekaato tirada Boqoleyda Gobolada ee laba Urur ama ka badan waxaa lagu kala saarayaa. Sida ay ugu kala Bataan tiradada guud ee codad ka.
4. Haddii ururada siyaasadeed midna gaadhi waayo 20% waxay Guddidu u aqoonsanayaan Xisbiyo Qaran saddexda Xisbi ee ugu tirada badan codadka doorashoonyinka boqolayda gobolada dalka.
5. Tobankii (10) sannadoodba mar baa la abuuri karaa Urur Siyaasadeed si waafaqsan Xeerkan. Hase-yeeshee waa in Urur Siyaasadeed la abuuraa 6(lix) bilood ka hor maalinta la qabanaayo doorashada Goleyaasha Deegaanka.

Qodobka 7aad:

Waxyaabaha ka reebban Xisbiyada/Ururada

1. Waxaa ka reebban xisbi/urur kasta inuu u soo gudbiyo Guddida war bixin been ah ama khaldan.
2. Xisbina kama muuqan karto xeerarkiisa qodob ama qodobo ka hor imanaya Dastuurka iyo Shareecada Islaamka.
3. Xisbi/Urur kasta waxaa ka reebban inuu dhaqaale ka helo illo shisheeye.
4. Xisbi/urur kasta waxaa ka reebban inuu hantida qaranka Somaliland u adeegsado ama u isticmaalo hawlihiisa u gaarka ah ee doorashooyinka.
5. Xisbi/urur kasta waxaa ka reebban inuu adeegsado koox ama ciidan hubaysan oo uu ku fushado danihiisa gaarka ah.

Qodobka 8aad:

Xuquuqda Xisbiyadda Qaranka

- 1) Xisbiyada Qaranka ee la siiyey shahaadada xisbinimo siyaasadeed, waxay xaq u leeyihiin:
 - b. Inay si siman u adeegsadaan warbaahinta qaranka, waxayna yeelan karaan Warbaahin u gaar ah markey ogolaansho ka helaan hay'adaha ku shaqada leh.
 - t. Inay si xor ah u gudbiyaan afkaartooda siyaasadeed iyagoon wax u dhimayn xasiloonida iyo nabadgelyada guud ee dalka.
 - j. inaan la cabudhinkarin mas-uuliyiinta xisbiyada ciidamada amaankuna aanay gali karin xarumohooda ilaa ogolaasho laga helo Maxkamadda awooda u leh,
 - x. xisbiyada Qaranka ee mucaaridka ahi way dhaliili karaan xukuumada

kh. .Xisbiyadu wixii dacwad ama cabashooyin ay ka tawdaan shaqada Guddida diwaan galinta ururada siyaasada iyo ansixinta axsaabta Qaranka waxay qoraal ahaan ugu gudbinayaan maxkamadda gobolka ay cabashadu ka jirto.

d. Haddii ay ku qanci waayaan go'aanka maxkamadda gobolku ka soo saarto, waxay racfaan uga qaadanayaan Maxkamadda Dastuuriga ah

r. Xibiyada qaranku way yeelan karaan hanti gaar ah.

Qodobka 9aad: Xuquuqda Muwaadiniinta

Muwaaddin kasta oo qaangaadh ah, wuxuu xaq u leeyahay:-

1. Inuu/inay ka qayb-qaato hawlaha siyaasadda.
2. Inuu/inay ku biiri karo xisbi ama urur siyaasadeed kuu/kay doorto.
3. Xubnaha ururku ama xisbigu waxay leeyihiin xuquuqo isku mid ah xaqa doorashada iyo codayntaba marka lagu guda jiro xilliga doorashada xisbiga/ururka gudihiisa.
4. Xubin kasta oo doonaysa in ay ka baxdo xil xisbi ama urur.
b) Waa in xubinta xisbiga/ururku u soo gudbisaa arjiga is casilaada.
t) Waa in xisbiga /ururku ku aqbalaa ama ku diidaa 14 maalmood gudahood is casilaada xubinta.
5. Xubinina kama wada tirsanaan karto laba Xisbi/Urur ama Xisbi iyo Urur isla wakhti keliya

Qodobka 10aad: Sababaha Lagu Waayi Karo Xubinnimada

Xubin ka tirsan Xisbi ama Urur waxaa laga saari karaa oo keliya marka:

- b) Ay samaysato urur kale

- t) Ay Ka qayb-qaadato urur kale oo la samaynayo
j) Ay Ku biirto urur kale ama si caam ah ugu ololaysa samaysiga urur kale
x) Ay ku gafto xeerka u yaalla xisbiga/ururka



Qodobka 11aad

Musharixiinta U tartamaysa Doorashooyinka iyo Golaha wakiilada iyo Deegaanka

1. Qofkasta oo muwaadin somalilaand ahi wuxuu xaq u leeyahay in la doorto waxna dooran karo ,haseyeeshee waxaa musharax noqon kara;
b) Muwaadin Somaliland ah, xisbina soo sharaxay, buuxiyeyna shuruudaha Xeerku jideeyey.
t. Ma banana in musharax madax-banaan oo aan magac xisbi wadanin isa soo sharaxo.
2. Gudidda fulinta ee xisbiyada ayaa soo magacaabaya musharixiinta uga qayb galaya Doorashada Golaha wakiilada
3. Gududda Xisbi ee Gobol kasta ayaa soo magacaabaya musharixiinta heerka degmooyinka.

Qodobka 12aad:

Mudada xilka Madexweynaha iyo Gudoomiyaha Xisbiga

1. Qofna jagada madexweynaha ma qaban karo laba jeer wax ka badan.
2. Xisbi qaran jagada gudoomiyaha xisbiga uma sharixi karo xubin laba xildoorasho wax ka badan.

QAYTA 5AAD:

XEER-HOOSAADKA, QAAB-DHIMEEDKA IYO SHAQADA URURRADA SIYAASADDA

Qodobka 13aad:

Xeer-hoosaadka iyo Qaab-dhismeedka Ururrada Siyaasadda

Xeer-hoosaadka Ururrada Siyaasadda waa in ay ku cad yihiin waxyaalahani:-

1. Magaca Ururka oo dhamaystiran.
2. Ujeeddooyinka Ururka.
3. Qaab-dhismeedka Ururka iyo Waaxyaha uu ka kooban yahay.
4. Xarunta dhexe ee Ururka oo ah Somaliland gudaheeda.
5. Qaabka lagu soo doorto ama lagu beddeli karo, muddada xilka ee mas'uuliyiinta Ururka.
6. Shuruudaha Xubinta lagu noqon karo iyo sababta lagu waayi karo, iyo iscasilaadda xubinta ama mas'uulka
7. Qodobbo khuseeya sida Xeer-hoosaadka Ururka wax looga beddeli karo.



Qodobka 14aad: **Reebbanaan**

Uma banaana qof kasta oo ka tirsan Ciidammada Qalabka sida: Ciidanka qaranka, Booliska, Ciidanka Asluubta, hay'adaha sirdoonka qaranka, Ururada aan Dawliga ahayn, shaqaalaha dowlada (civil servant) iyo xubnaha ka tirsan Garsoorka, Xeer-ilaalinta, iyo gudidda diwaan galinta ururada siyaasada iyo ansixinta xisbiyada qaranka in ay:

1. Samaystaan Urur Siyaasadeed iyo xubin ka-noqoshadiisaba.
2. In loo magacaabo xafiis Urur Siyaasadeed.
3. Ku lug-yeelato arrimo Axsaab/Urur oo luminaaya dhex-dhexaadnimada xafiiska uu joogo.
4. Taageerid ama ka-soo-hor-jeedsi Xisbi/Urur Siyaadadeed.

Qodobka 15aad:

Astaamaha iyo Magacyada

Ururna ma isticmaali karo astaan ama magac uu hore u isticmaalay Urur kale, xisbi, Hay'adaha Dawladda ama Qaranka Somaliland.



Qodobka 16aad

Hoggaamiyeyaasha Xisbi/Urur Siyaasadeed

Qofka isu sharraxaaya hogaanka Xisbi/Urur Siyaasadeed waa in uu buuxiyo shuruudahan:

1. Waa inuu/inay yahay muwaaddin reer Somaliland ah.
2. Waa in/inay ay da'diisu tahay ugu yaraan 30 jir.
3. Waa in/inay aanu ku dhicin xukun maxkamadeed oo ah fal-dambiyeed uu gaystay oo ka badan 3 (saddex) sanno 5tii sanno ee u dambaysay marka laga reebo in Madexweynaha JSL uu siiyay cafis.
4. Waa in/inay uu yahay qof muslin ah kuna dhaqma diinta islaamka.

Qodobka 17aad:

Isbeddelka Hoggaanka iyo shuruucda Xisbiga/Ururka

1. Isbeddel kasta oo lagu sameeyo hoggaanka, shuruucda iyo Qaab-dhismeedka Xisbiga/Ururka waa in laga sheego warbaahinta ugu badnaan 15 maalmood ka dib marka uu Xisbigu/Ururku qabsado shirka uu ku gaadhay go'aanka isbeddelkaas.
2. Isla markaana waa in qoraal rasmi ah oo arrintaa ku saabsan loo diro xeer-ilaalinta guud, gudidda diiwaangelinta ururada siyaasadda iyo ansixinta xisbiyada qaranka iyo komishanka doorashooyinka qaranka mudo aan ka badnayn 15 maalmood.

QAYBTA 6AAD:
WARBAAHINTA IYO HANTIDA XISBI/URUR
SIYAASADEED
QODOBKA 18AAD:
WARBAAHINTA XISBIGA AMA URURKA



1. Xisbi/Urur Siyaasadeed waxa uu xaq u leeyahay in uu abuurro Warbaahin uu gaar ah si waafaqsan shuruucda iyo xeerarka dalka ee khuseeya warbaahinta gaarka ah.
2. Xisbi/Urur Siyaasadeed waxa ka mamnuuc ah in ay faafiyaan, daabacaan ama baahiyaan warar been ah, isla markaana abuuraya kicin iyo iska-hor imaad dadweyne, wiiqaaya midnimada dalka, ama waxyeello u gaysanaaya nabadgelyada guud.
3. Xisbiyada/Ururada Siyaasaddu waxay si siman u isticmaalayaan warbaahinta ay Dawladdu maamusho wakhtiga ololaha doorashooyinka Qaranka.

Qodobka 19aad:
Hantida Xisbi/Urur

Hantida Xisbi/Urur waxa ay ka iman kartaa:

1. Qaadhaanka ay xubnaha Xisbi/Urur bixiyaan.
2. Deeqda la siiyay Xisbiga/Ururka waa in ay ka timaado shirkado wadani ah, ama muwaadiniin reer Somaliland ah.
3. Kaalmo ay si siman u bixisay xukuumadu.

QAYBTA 7AAD:
XISBIYADA SIYAASADDA EE JIRA
Qodobka 20aad:
Shakhsiyadda Qaanuuniga ah ee Xisbiyada

1. Saddexda xisbiyo Qaran ee loo aqoonsado xisbiyo qaran waxa ay leeyihiin Shakhsiyad Qaamuuni ah (Legal Personality).

2. Xisbiyada qaranka waxa ay xaq u leeyihiin in ay u tartamaan Doorashooyinka Deegaanka ee soo socda. Haseyeeshee, waa in ay Gudida diwaan-gelinta ururada siyaasada iyo ansixinta axsaabta qaranka u soo gudbiyaan waxyaalahan:-

b. Magaca Xisbiga oo dhamaystiran

t. Ujeedooyinka Xisbiga;

j. Qaab-dhismeedka Xisbiga iyo Waaxyaha uu ka kooban yahay

x. Xarunta dhexe ee Xisbiga oo ah Somaliland gudaheeda .

kh. Qaabka lagu soo doorto ama lagu beddeli karo, muddada xilka ee mas'uuliyiinta Xisbiga,

d. Shuruudaha Xubinta lagu noqon karo iyo sababta lagu waayi karo, iyo iscasilaadda xubinta ama masuulka,

r. Qodobbo khuseeya sida Xeer-hoosaadka Xisbiga wax looga beddeli karo.

Qodobka 21aad:

Ganaaxa ku xad-gudubka xeerka

Gudiddu waxa ay ganaax lacageed oo dhan Sodon milyan oo shillinka Somaliland ah (**30,000,000 SL/Sh**) ku soo rogayaa Xisbiga/Ururka ku xad-gudba Xeerkan.

QAYBTA 8AAD

Qodobka 22aad:

Waxyaabaha ka reeban adeegsiga deeqaha dawladda siiso Xisbiyada

Deeqaha dawladda looma isticmaali karo si toos ah ama si dadban in loogu qorsheeyo samaynta ganacsi

gaar loo leeyahay, ha ahaato hanti guurto ah ama tu ma-guurto ahba.



Qodobka 23aad: Xisaabxidh

Xisbi Qaran kastaa waxaa uu samaynayaa xisaab xidh sanadeed (dakhli iyo kharash) uu soo cadeeyay hanti dhawre madex banaan, waxaana loo gudbinayaa komishanka doorashooyinka Qaranka ugu danbayn 31 March ee sanad kasta.

QAYBTA 9AAD QODOBO KALA DUWAN

Qodobka 24aad

Xisbiga Dhaca ama Ururka u Gudbi Waaya Xisbi

1. Xisbi kasta/Urur oo ku guulaysan waaya doorashada Goleyaasha deegaanka waxay ku biirayaan iyaga iyo xubnahoodu golayaasha deegaanku ee ay ka heleen degmoyinka dalka saddexda Xisbi qaran ee soo baxay kay doonaan , waxayna qoraal ahaan u gudbinayaan Guddidda Diwaangelinta ururada siyaasada iyo ansixinta xisbiyada qaranka muddo aan ka badnayn hal bil (30maalmood)
2. Haddii xisbigii mudanaha Golaha wakiiladu uu ka tirsanaa ku dhaco tartarka Ururada iyo Xisbiyada waxaa mudanuhu ku biiraa xisbiga uu doorto, wuxuuna dhamaysanayaa mudo xileed ka u hadhsan.
3. Madaxweynaha iyo ku xigeenkiisu waxay dhamaysanayaan mudada xilkooda inta uga

hadhsan hadii xisbigoodu soo bixi waayo waxaana u furan inay galaan xisbigay doonaan.

Qodobka 25aad:
Tayaynta iyo habaynta xisbiyada Qaranka



1. Xisbiyada Qaranka ee Doorashada ku guulaystaa waa in ay ku dhaqmaan maa-mul wanaag iyo dimuquraaduayad dhexdooda ah, waana in awooda loo siman yahay. Talada xisbigana waa in mar kasta lagu go'aan qaataa habka uu dhigaayo xeer hossadka
2. Shirweynaha Xisbi Qaran waxaa la qabanayaa **5** (shantii sano) hal mar waxaana la baahinayaa Lixdan maalmood(60)ka hor
3. Shirka xisbi ee golaha dhexe waxaa la qabanayaa halkii sanaba mar waxana la baahinayaa 30 casho ka hor.
4. Shirwaynaha Xisbiga waxaa lagu soo dooranayaa
 - b. Xubnaha Hogaanka Xisbiga iyo gudidda fulinta
 - t. Xubnaha golaha dhexe ee Xisbiga.
 - j. waxaa lagu ansixinayaa Barnaamijka iyo xeer hoosaadka Xisbiga.
5. Liiska xubnaha golaha fulinta iyo golaha dhexe ee xisbi iyo nuqul xeer-hoosaadkooda ah waxaa loo gudbinayaa xeer-ilaalinta, komishanka doorashooyinka qaranka iyo gudida diwaan gelinta ururada siyaasada iyo ansixinta xisbiyada

qaranka mudo aan ka badnayn 30 maalmood shirwaynaha ka dib.

6. Hogaanka xisbiga, Guddida fulinta iyo xubin golaha dhexe waxaa xilka qaadistooda soo jeedin kara.

b. 1/3 xubnaha golaha Dhexe ee xisbiga

t) Gudoomiyaha xisbiga.

j) Is-casilaad.

Waxaana cod kala-badh iyo hal ku ansixinaya xubnaha golaha dhexe ee xisbiga.

7. Gudidda diwaangelinta Ururada Siyaasada iyo Ansixinta Xisbiyada Qaranka ayaa xisbiyada dhexdooda ku ilaalinaya Dimuqraadiyada, iyagoo war bixintooda u soo gudbinaya Golaha Wakiiladda marka loo baahdo.
8. Marka mudo xileedka Gudidda diwaangelinta Ururada Siyaasada iyo Ansixinta Xisbiyada Qaranka uu dhamaado waxaa shaqadooda la wareegaya komishanka doorashooyinka qaranka.

Qodobka 26aad:

Soo Saaridda Xeer-Nidaamiye (Power to Issue Regulations)

Gudida Diwaangelinta Ururrada iyo Ansixinta xisbiyada Qaranku waxa uu awood u leeyahay in uu soo saaro xeer-nidaamiye(regulations),Xeerka hab-dhaqanka (code of conduct),iyo awaamiir (Directives) aan ka hor imanayn xeerkan.

**Qodobka 27aad:
Laalis**



1. Xeerka Nidaamka Ururrada iyo Axaabta Siyaasadda (Xeer Lr. 14/2000) waxaa badalay **Xeer Lr.14/2011**
2. Xeer kasta oo ka soo horjeeda Xeerkani waa waxba kama jiraan (null and void).

**Qodobka 28aad:
Dhaqan-galka**

Xeerkani waxa uu dhaqan-gelayaa marka ay Goleyaasha Xeer-dejintu ansixiyaan Madaxweynuhuna saxeexo.

C/risaaq Siciid Ayaanle
Xog .Guud ee Golaha Wakiilada

C/raxmaan Maxamed C/laahi (Cirro
Gudoomiyaha Golaha Wakiilada JSL

